



UNIVERSITÄTS-
BIBLIOTHEK
PADERBORN

Vitæ Pontificum Romanorum

Ex Antiquis Monumentis Collectae

Sandini, Antonio

Bambergae, 1753

II. S. Linus. Anno Christi 69. Neronis Imperatoris 13.

[urn:nbn:de:hbz:466:1-65446](https://nbn-resolving.de/urn:nbn:de:hbz:466:1-65446)

II.

S. LINUS.

ANNO CHRISTI 69.

NERONIS IMPERATORIS 13.

LINUS natione Hetruscus, patriâ Bar. an.
Volaterranus fertur. Post Petri 69. §. 35.
 martyrium primus Ecclesie Romana Epi- Pagius
 scopatum suscepit. *Hujus mentionem* an. 67. §.
 facit Paulus in epistola, quam ab Urbe Epist. II.
 Roma ad Timotheum scripsit, inter sa-
 lutationes, quæ ad calcem epistola legun- Cap. IV.
 tur: Salutat te, inquit, Eubulus,^{21.}
 Pudens, Linus, & Claudia. (1)
 Hujus Claudiæ filium fuisse Linum,
 rentur aliqui secuti Constitutiones
 Apostolicas lib. 7. cap. 46. Incertus Apud
 auctor Carminum adversùs Mar- Tertul.
 cionem extremo libro 3. Linum di-
 cit virum magnum plebique probatum.
 In Libro Pontificali (2) dicitur ex
 præcepto D. Petri cavisse, ut mulier
 Ecclesiam ingrederetur capite velato.
 (3) Menandrianos, qui mundum non à
 Deo, sed ab Angelis factum esse testantur, à
 consortio conversationis nostra ejectos
 aeternâ damnatione multavit; docens ra-
 tionabiliter secundum sanctas Scripturas

A 5 ! veteris

veteris Testamenti, Deum, qui cum
Moysē locutus est, hunc esse omnium
Creatorem, & nihil in creaturis omni-
bus esse, quod possit pro sui natura esse
vituperabile. (4) Idem Martyrium Pe-
tri & Pauli uno die passorum Graco
sermone scripsisse legitur apud Sigeber-
tum de Script. Eccl. cap. §. (5) An-
no Christi 80. IX. Kal. Octobris,
Bar. an. 80. §. 1.
Pag. an. 78. §. 3. quo die ab Ecclesia colitur, jussu
Saturnini, cuius filiam à dæmonum
vexatione liberaverat, morti datus,
ex his tenebris in sempiternam lu-
cem excellit, post annos undecim,
menses duos, dies tres & viginti, quam
Pontificatum occeperat. (6)

ANNOTATIONES.

(1) Eusebius Hist. Eccl. lib. 3. cap. 2. Li-
niusne, an Clemens proximus post Petrum
Pontifex fuerit, discrepat inter veteres scrip-
tores. Tertullianus de Præscript. cap. 32.
Clementem à Petro ordinatum edit. Con-
sentit Hieronymus tum lib. 1. adver. Jovin
cap. 7. tum comment. in Esaiam cap. 52.
quæ fuit sententia Patrum Latinorum usque
ad exitum saeculi IV. Quanquam Hierony-
mus de Script. Eccl. cap. 15. ubi de Clemen-
te narrat ex professo, eum affirmat, *qua-
rum post Petrum Romanum Episcopum fu-
isse, secundum Linum, & tertium Cletum.*
Proxi-

Proximus igitur Petri successor est Linus ex D. Hieronymo, cuius opinio testimoniis confirmatur Irenæi lib. 3. adver. hær. cap. 3. Eusebii lib. 3. Hist. Eccel. cap. 2. 13. & lib. 5. cap. 6. Epiphanius hær. 27. §. 6. Oprati lib. 2. §. 3. Augustini epist. 53. & Theodoreti in Epist. 2. ad Timoth. cap. 4.

Lino ex eorundem scriptorum auctoritate subjiciendus Cletus, quem omnes, si Epiphanium & Hieronymum excipias, Anacletum vocant: Optatus vero, & Augustinus non Lino, sed Clementi sufficiunt.

Baronius, cuius sententiam præ cæteris probat Natalis Alexander, Bollandus, Cotelerius, Tillemontius, ad an. 69. §. 43. sequetus Epiphanium hær. 27. §. 6. scribit, S. Clementem accepisse quidem ab D. Petro Episcopatum, sed decedente jure suo collatam sibi dignitatem recusasse, ut Linus & Cletus Petri ipsius in Episcopali munere adjutores, alius post alium electus per suffragia Cleri Romanam Ecclesiam gubernaret. Qua ex re componitur controversia, quæ intercedit inter Scriptores memoratos, quorum alii Linum, alii Clementem proximum post Petrum Pontificem fuisse contendunt. Quemadmodum enim, qui Linum Petro suggerunt, ii Clementem à S. Petro Romanæ Ecclesiæ Episcopum constitutum non negant; ita qui dicunt, Clementem Petri adhuc superstitis successorem designatum, non inficiantur illum vivo Lino & Cleto constanter recusasse delatum sibi à D. Petro honorem Pontificatus. Vide Cotelerium in Constitut. Apost. lib. 7. cap. 46. & Petrum Constant

stant dissertat. de proximis B. Petri successo-
ribus tom. I. Epist. Rom. Pont. pag. 1.

(2) Joan. Ciampinus in Examine Libri
Pontificalis tom. 3. Scriptor. Rer. Italic. pag.
34. & 35. *Historiam Roman. Pontif. quæ*
sub titulo Libri Pontificalis, *sive Damasi,*
aut Anastasi Bibliothecarii circumfer-
tur, à pluribus exarata existimamus:
nihilominus autographa genuinisque è
scripturis excerpta maximam ac summam
fidem habendam esse censemus; pricipue
cum propter antiquitatem eximie vene-
rationis sit, ac tot saeculorum consensu ab
Ecclesia recepta, utpote qua litteris con-
signata fuerit à Scriptoribus, qui vel
Pontificibus, quorum gesta scripsere, coe-
vi, vel paulò juniores fuerunt.

Muratorius Prolegom. in Vitas Rom. Pont.
Anastasio Bibliothecario additas ibid pag. 274
Veterum Romanorum Pontificum Vita à
variis Scriptoribus litteris consignata,
qua sub Anastasi Bibliothecarii nomine
circumferuntur, in Hadrianum II. &
Stephanum VI. seu ut rectius dicendum
est, V. desinunt, quarum postremæ Gu-
lielmo Bibliothecario tribuuntur. Subse-
quentium Pontificum Vitas par est crede-
re olim, suisque temporibus per Biblio-
thecarios S. R. E. aliosve Historicos su-
isse conscripias. Vide Schelstratum tom.

I. An-

1. Antiquitatis Illustratæ dissertat. 3. cap. 7.
8. & 9.

(3) Sanctionem hanc, ut *Epis. opali curā*
minus dignam irrident Magdeburgenses
Cent. I. lib. 2. cap. 10. Quos satis supér-
que refellam, si dixerō, id antea præceptum
etiam à D. Paulo I. ad Cor. cap. XI. 5.

(4) Prædestinatus §. 2. tom. 1. Operum
Jacobi Sirmondi pag. 270. edit. Venetæ.

(5) In Maxima Bibliotheca veterum Pa-
trum tom. 1. pag. 67. duo sunt sub nomine
Lini Papæ libelli *De passione Petri &*
Pauli. Sed Bellarminus de Script. Eccl. &
lib. 2. de Rom. Pontifice cap. 9. illos reji-
cit tamquam supposititious: Baronius ad an.
69. §. 6. tradit, Manichæorum erroris fu-
ligine deformatos: prisci alicujus Monachi
opus existimat Vossius lib. 2. De historicis
Græcis cap. 9.

(6) Pagius ad an. 78. §. 3. *Non existi-
mandum.* Linum *eo die* (IX. Kal. Octobr)
ad superos transisse; *cum dies, quibus*
*in Martyrologiis veteres Pontifices co-
lunniur,* & *in auctiori Chronico veterum*
Pontificum dicuntur sepulti, ad aliquam
*eorum translationem ne plurimum per-
tineant.* At Muratorius tom. 1. Anecdot.
dissertat. 19. pronunciat, *expresso luben-
tius Ecclesiae Romanae, aliorumque scrip-
torum testimonio, quam nuda illius opi-
nioni fidem habendam esse, probatque per*
tria Epochæ nostra priora saecula quam

plus

*plurimos SS. Pontifices ex Pagii consen-
su ipsis diebus, queis coluntur, Martyrii
coronâ donatos, ac propterea omnem Ro-
mano potius Martyrologio, quam levissi-
mis aliorum rationibus fidem adjungen-
dam esse.*

III.

S. CLETUS.

ANNO CHRISTI 80.

VESPASIANI IMPERATORIS 10.

Bar. an. **CLETUS** Æmiliani filius, Roma-
 80. §. 4. nus annos duodecim, menses septem
 An. 93. & dies duos Pontificatum gessit. Cælo
 §. 1. pag. receptus est anno Christi 93. quo
 An. 91. alteram persecutionem adversus
 §. 23. Christianos excitavit Domitianus,
 portio Neronis de crudelitate. (1) Ex
 præcepto D. Petri quinque & viginti
 Presbyteros ordinasse in Urbe Roma
 legitur in libro Pontificali, id est, ut
 explicat Pagius in ejus vita, *Urbem in
 totidem Parochias distinxisse*. Marti-
 nus Polonus, qui in Chronico tra-
 dit, Cletum formulam hanc: *Salu-
 tem, & Apostolicam benedictionem, lit-
 teris omnium primùm inscripsisse,*
 moveret me, nisi id traderet ex sensu
 suo,